

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 133. stav 2., članom 134. stav 5. i članom 139. stav 3. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24, 8/25 i 18/25), na prijedlog Ministarstva finansija, Vlada Zeničko-dobojskog kantona, na 108. sjednici, održanoj 12.12.2025. godine, d o n o s i

ZAKLJUČAK

I

Vlada Zeničko-dobojskog kantona utvrđuje Amandman I na Prijedlog Budžeta Zeničko-dobojskog kantona za 2026. godinu, koji glasi:

„AMANDMAN I

U Prijedlogu Budžeta Zeničko-dobojskog kantona za 2026. godinu, u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 19, budžetska organizacija 03, potrošačka jedinica 0001–Kantonalna direkcija za ceste, ekonomski kod „615100 – Kapitalni transfer drugim nivoima vlasti“ Izdaci iz budžeta izvor 10, planirani iznos od „0“ mijenja se i glasi „3.800.000“.

U Prijedlogu Budžeta Zeničko-dobojskog kantona za 2026. godinu, u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 17, budžetska organizacija 01, potrošačka jedinica 0001-Ministarstvo finansija, ekonomski kod „614800 HAD801 – Naknade za povrat više ili pogrešno uplaćenih sredstava“, Izdaci iz budžeta izvor 10, planirani iznos od „6.000.000“ mijenja se i glasi „4.700.000“.

U Prijedlogu Budžeta Zeničko-dobojskog kantona za 2026. godinu, u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 17, budžetska organizacija 01, potrošačka jedinica 0001-Ministarstvo finansija, ekonomski kod „616300 – Kamata na domaće pozajmljivanje“, Izdaci iz budžeta izvor 10, planirani iznos od „2.900.000“ mijenja se i glasi „1.900.000“.

U Prijedlogu Budžeta Zeničko-dobojskog kantona za 2026. godinu, u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 19, budžetska organizacija 01, potrošačka jedinica 0001-Ministarstvo za prostorno uređenje, promet i komunikacije i zaštitu okoline, ekonomski kod „614400 TVZ001–Subvencije javnim preduzećima JP "Televizija Zeničko-dobojskog kantona" d.o.o. Zenica, Izdaci iz budžeta izvor 10, planirani iznos od „2.500.000“ mijenja se i glasi „1.000.000“.

II

Zaključak sa obrazloženjem upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/25

Datum, 12.12.2025. godine

Zenica

PREMIJER

Nezir Pivić

DOSTAVLJENO:

1x Ministarstvo finansija,

1x Ministarstvo za prostorno uređenje, promet i komunikacije i zaštitu okoline,

1x Kantonalna direkcija za ceste,

1x Stručna služba Skupštine,

1x a/a.

OBRAZLOŽENJE

I PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10 i 3/23), članu 133. stav 2., članu 134. stav 5. i članu 139. stav 3. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24, 8/25 i 18/25).

Članom 16. stav 4. Zakona o Vladi Zeničko-dobojskog kantona, propisano je da se zaključkom utvrđuju stavovi i pitanja od značaja za provođenje utvrđene politike, uređuju unutrašnji odnosi u Vladi i određuju zadaci kantonalnim organima uprave i službama Vlade.

Članom 133. stav 2. Poslovnika Skupštine Zeničko-dobojskog kantona, propisano je:

„Pravo predlaganja amandmana ima svaki poslanik u Skupštini, svaki klub poslanika radna tijela Skupštine i Vlada.“

Članom 134. stav 5. Poslovnika Skupštine Zeničko-dobojskog kantona, propisano je:

„Podnosilac prijedloga zakona može da podnosi amandmane do završetka pretresa prijedloga zakona.“

Članom 139. stav 3. Poslovnika Skupštine Zeničko-dobojskog kantona, propisano je:

„Amandman podnosioca prijedloga zakona, kao i amandman drugog ovlaštenog predlagača sa kojim se podnosilac prijedloga saglasio postaje sastavni dio prijedloga zakona.“

II RAZLOZI ZA DONOŠENJE

Ministarstvu finansija Zeničko-dobojskog kantona se obratilo Ministarstvo za prostorno uređenje, promet i komunikacije i zaštitu okoline Zeničko-dobojskog kantona svojim aktom, broj: 12-11-12726/25-1 od 10.12.2025. godine i Ministarstvo za prostorno uređenje, promet i komunikacije i zaštitu okoline – Kantonalna direkcije za ceste, svojim aktom broj: 12-2-11-12726/25-1 Interno od 10.12.2025. godine.

U navednim aktima se predlaže da se u Prijedlogu Budžeta Zeničko-dobojskog kantona za 2026. godinu, u članu 3., u dijelu II. POSEBNI DIO (Rashodi i izdaci po budžetskim korisnicima), na razdjelu 19, budžetska organizacija 03, potrošačka jedinica 0001–Kantonalna direkcija za ceste, ekonomski kod „615100 – Kapitalni transfer drugim nivoima vlasti“ Izdaci iz budžeta izvor 10, planirani iznos, uveća za iznos od 3.800.000 KM.

S tim u vezi, u skladu sa opredjeljenjem Vlade Zeničko-dobojskog kantona, predlaže se Vladi Zeničko-dobojskog kantona donošenje Zaključka kojim se utvrđuje Amandman I na Prijedlog Budžeta Zeničko-dobojskog kantona za 2026. godinu.

III FINANSIJSKA SREDSTVA

Za donošenje i realizaciju ovog Prijedloga Zaključka nisu potrebna dodatna finansijska sredstva.